

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----„ ----- 2016 թ.

„-----„ ----- 2016 թ.

(արձանագրություն N°)

ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ
ԱՆԱՄՆԱԲՈՒԺԱԿԱՆ ԿԼԻՆԻԿԱԿԱՆ ԼԱԲՈՐԱՏՈՐԻԱՅԻ

Կ Ա Ն Ո Ն Ա Կ Ա Ր Գ

Ընդհանուր դրույթներ

1. Անասնաբուժական կլինիկական լաբորատորիան (այնուհետ՝ «լաբորատորիա») կազմավորվել է համաձայն Հայկական գյուղատնտեսական Ակադեմիայի ռեկտորի 1998 թ. հունվարի 27-ի թիվ 20-կ հրամանի՝ նախկին անասնաբուժական կենտրոնի բազայի վրա:
2. Անասնաբուժական կլինիկական լաբորատորիան Հայաստանի ազգային ագրարային համալսարանի ֆունկցիոնալ կառուցվածքային ստորաբաժանում է, որի կանոնակարգը հաստատում է համալսարանի գիտական խորհուրդը և վավերացվում ՀԱԱՀ-ի ռեկտորի կողմից:
3. Լաբորատորիայի հասցեն է՝ ք.Երևան, Կորյունի փողոց 15:
4. Լաբորատորիայի խնդիրներն են՝
 - ա) ապահովել անասնաբուժական բժշկագիտության և անասնաբուժական ֆակուլտետի ամբիոններին ուսումնական պարապմունքների անցկացման համար անհրաժեշտ ընտանի, փորձնական կենդանիներով,
 - բ) իրականացնել մասնագիտական խորհրդատվություն և անասնաբուժական ծառայություն՝ նպաստելով բնակչությանը պատկանող կենսանիների բուժ. կանխարգելիչ աշխատանքների անցկացմանը և համաճարակների կանխմանը.
 - գ) հիվանդ կենդանիների բուժման նպատակով ժամանակավոր կացարանների տրամադրում:

5. Անասնաբուժական ծառայությունը, մասնագիտական խորհրդատվությունը և կենդանիների ժամանակավոր կացարաններ տրամադրելը իրականացվում է ՀՀ կառավարության (2012 թ. հունվարի 14-ի № 872-Ն որոշմամբ հաստատված հավելվածի 19-րդ մասի 4-րդ կետի „Ե” պարբերության) լիազորության շրջանակներում՝ ձեռնարկատիրական գործունեության կարգով և հիմնադրամների մասին ՀՀ օրենքի 19-րդ հոդվածի համաձայն:
6. Լաբորատորիայի գույքը և ֆինանսական միջոցները պատկանում են ՀԱԱՀ-ին:
7. Լաբորատորիան իր գործունեությունը իրականացնում է ՀՀ օրենսդրության, համալսարանի կանոնադրության և սույն կանոնկարգի պահանջներին համապատասխան:

Լաբորատորիայի գործունեության տեսակները

8. Ելնելով ուսումնագործնական պարապմունքների լիարժեք անցկացնելու, կլինիկական առարկաների գծով ուսումնառության մասնագիտական որակավորումը բարձրացնելու, բուժման գործին նրանց մասնակից դարձնելու անհրաժեշտությունից լաբորատորիան իրականացնում է.
 - ա) հերթապահություն անասնաբուժական բժշկագիտության ֆակուլտետի անասնաբուժների միջոցով,
 - բ) բուժիչ և կանխարգելիչ միջոցառումների անցկացման ուսանողների ակտիվ մասնակցությամբ, ֆակուլտետի և լաբորատորիայի անասնաբուժների հսկողությամբ,
 - գ) ոչ վարակիչ հիվանդություններով հիվանդ՝ կենդանիներին ժամանակավոր կացարանների հատկացում,
 - դ) ուսանողների պրակտիկ պարապմունքներն կենդանիներով ապահովելու և հիվանդ կենդանիների մշտական ու արդյունավետ բուժում:
9. Համալսարանի ուսումնական պատվերի կատարումը կլինիկական լաբորատորիայի համար առաջնային և պարտադիր և հանդիսանում է համալսարանի ուսումնական ծրագրի բաղկացուցիչ մասը: Այն իրականացնելու համար յուրաքանչյուր կիսամյակի սկզբին անասնաբուժական բժշկագիտության և անասնաբուժական ֆակուլտետի ուսումնական և ամբիոնների գիտահետազոտական աշխատանքների պլանների հիման վրա կազմում է կենդանիների մատակարարման և ձեռք բերման պլան ծրագիր:

10. Ուսանողների դիպլոմային աշխատանքների կատարման և արտադրական պրակտիկայի անցկացման ընթացքում կլինիկական լաբորատորիան և համապատասխան ամբիոնները կորդինացնում են իրենց գույքային և տարածքային հնարավորությունները՝ սերտ համագործակցելով ուսումնա-մեթոդական գործունեության բնագավառում:

Լաբորատորիայի տնտեսական գործունեությունը

11. Կլինիկական լաբորատորիան սույն կանոնակարգի 4-րդ կետում նշված ծառայությունները իրականացնում է համապատասխան վճարով ըստ ձևավորված շուկայական գների՝ համաձայնեցված ՀԱԱՀ-ի ռեկտորի հետ:

12. Կլինիկական լաբորատորիայում ծառայությունների դիմաց գանձվող գումարը մուծվում է համալսարանի հաշվապահություն՝ սահմանված կարգով: Ապահովում է հաշվետվությունների և օրենսդրությամբ նախատեսված այդ բնույթի այլ փաստաթղթերի ճիշտ վարումը և պահպանությունը և պատասխանատվություն է կրում դրանց ոչ ճիշտ վարման, կորուստի համար:

13. Կլինիկական լաբորատորիայի ծառայության համար գոյացած գումարից գանձվում է ավելացված արժեքի հարկ (ԱԱՀ)՝ օրենքով սահմանված չափով:

Լաբորատորիայի կառավարումը

14. Կլինիկական լաբորատորիայի գործունեության ղեկավարությունը իրականացնում է լաբորատորիայի վարիչ:

15. Վարիչը նշանակվում և ազատվում է պաշտոնից ՀԱԱՀ-ի ռեկտորի հրամանով՝ օրենքով սահմանված կարգով:

16. Վարիչը՝

ա) անասնաբուժական-բժշկագիտության և անասնաբուժական ֆակուլտետի ղեկանի հետ համաձայնեցնելով լուծում է կլինիկական լաբորատորիայի գործունեության վերաբերյալ բոլոր հարցերը համաձայն սույն կանոնակարգի դրույթների,

բ) ղեկավարում է կլինիկական լաբորատորիայի գործունեությունը, ինչպես նաև անմիջական մասնակցություն է ցուցաբերում կենդանիների բուժման և հիվանդությունների կանխարգելման աշխատանքներում,

- զ) ՀԱԱՀ-ի կողմից տրված լիազորությունների սահմաններում իրավունք ունի կնքել տնտեսական և այլ պայմանագրեր, այդ թվում օտարերկրյա կազմակերպությունների և քաղաքացիների հետ,
- դ) ուսումնական աշխատանքների գծով պրոռեկտորի համաձայնությամբ ռեկտորին առաջարկություններ է ներկայացնում կլինիկական լաբորատորիայի աշխատողներին աշխատանքի նշանակելու, տեղափոխելու, ազատելու, ինչպես նաև նրանց խրախուսելու կամ կարգապահական տույժերի ենթարկելու վերաբերյալ,
- ե) պարտավոր է պահպանել աշխատանքային և կատարողական կարգապահությունը, ապահովել իր տնօրինությանը հատկացված պետական գույքի պահպանումը և արդյունավետ օգտագործումը, ինչպես նաև օրենքով սահմանված կարգով պատասխանատվություն կրել պատճառված վնասների համար,
- զ) պատասխանատու է լաբորատորիայի աշխատանքային գործունեության հետ կապված փաստաթղթերի ճիշտ վարման և պահպանման համար:

17. Միջոցներ է ձեռնարկում աշխատանքի անվտանգ պայմաններ, ինչպես նաև բնապահպանական, սանիտարա-համաճարակային և հիգիենիկ անվտանգության ապահովման ուղղությամբ ըստ սահմանված կանոնների և պատասխանատվություն է կրում դրա համար:
18. Կլինիկական լաբորատորիան վերակազմավորվում է կամ գործունեությունը դադարեցնում է ՀԱԱՀ-ի կանոնադրությամբ սահմանված կարգով:
19. Անասնաբուժական լաբորատորիայի աշխատանքային և ֆինանսական հաշվետվությունը յուրաքանչյուր ամսվա վերջում ներկայացվում է ՀԱԱՀ-ի ռեկտորին և հաշվապահություն: